

無量罪  
 校量布施功德緣  
 品第十  
 爾時地藏菩薩摩訶薩，承佛威神，從座而起，胡跪合掌白佛言：世尊，我觀業道眾生，校量布施，有







輕有重，有一生受福，有十生受福，有百生千生受大福利者。是事云何，唯願世尊為我說之。爾時佛告地藏菩薩：吾今于忉利天宮



一切會眾，說閻浮提布施較量功德輕重，汝當諦聽，吾為汝說。地藏白佛言：我疑是事，願樂欲聞。佛告地藏菩薩：南閻浮提，有諸國。




王、宰輔大臣、大長者、大刹利、大婆羅門等，若遇最下貧窮，乃至癱殘啞，聾癡無目，如是種種不完具者。是大國王等欲布施時，若能



具大慈悲下心含下，親手遍  
 布施，或使人施，軟語慰  
 諭，是國王等所獲福利，如  
 布施百恆河沙佛功德之力。  
 何以故。緣是國王等，于




是最貧賤輩及不完具者，發大慈心，是故福利有如此報。百生千生中，常得七寶具足，何況衣食受用。復次地藏：若未來世，有諸國



王，至婆羅門等，遇佛塔寺，或佛形像，乃至菩薩聲聞辟支佛像，躬自營辦供養布施。是國王等，當得三劫為帝釋身，受勝妙樂。若能




以此布施福利，迴向法界，是大國王等，于十劫中，常為大梵天王。復次地藏：若未來世，有諸國王，至婆羅門等，遇先佛塔廟，或至經




像，毀壞破落，乃能發心修補。是國王等，或自營辦，或勸他人，乃至百千人等布施結緣。是國王等，百生千生中常為轉輪王身。如是



他人同布施  
 者，百生千生  
 中常為小國王  
 身。更能于塔  
 廟前，發迴向  
 心。如是國王  
 乃及諸人，盡  
 成佛道，以此  
 果報無量無  
 邊。復次地




藏：未來世中，有諸國王及婆羅門等，見諸老病及生產婦女，若一念間，具大慈心，布施醫藥飲食臥具，使令安樂。如是福利最不思



議，一百劫中常為淨居天主，二百劫中常為六欲天主，畢竟成佛，永不墮惡道，乃至百千生中，耳不聞苦聲。復次地藏：未來世中，有



諸國王及婆羅門等，能作如是布施，獲福無量。更能迴向，不問多少，畢竟成佛，何況帝釋轉輪之報。是故地藏，普勸眾生當如是學。




復次地藏：未來世中，若善男子善女人，于佛法中，種少善根，毛髮沙塵等許，所受福利，不可為喻。復次地藏：未來世中，若有善男子




善女人，遇佛形像、菩薩形像、辟支佛形像、轉輪王形像，布施供養得無量福，常在人天受勝妙樂。若能迴向法界，是人福利不可為。




喻。復次地藏：未來世中，若有善男子善女人，遇大乘經典，或聽聞一偈一句，發殷重心，讚歎恭敬，布施供養。是人獲大果報，無量無




邊。若能迴  
 向法界，其  
 福不可為  
 喻。復次地  
 藏：若未來  
 世中，有善  
 男子善女  
 人，遇佛塔  
 寺，大乘經  
 典。新者布  
 施供養，瞻  
 禮讚歎，恭  
 敬合




掌。若遇故者，  
 或毀壞者，修補  
 營理，或獨發  
 心，或勸多人同  
 共發心。如是等  
 輩，三十生中常  
 為諸小國王，檀  
 越之人，常為輪  
 王，還以善




法教化諸小國  
 王。復次地  
 藏：未來世  
 中，若有善男  
 子善女人，于  
 佛法中所種善  
 根，或布施供  
 養，或修補塔  
 寺，或裝理經  
 典，乃至一毛




一塵，一沙。如是善事，但能迴向法界，是人功德，百千生中受上妙樂。但如迴向自家眷屬，或自身利益，如是之果，即三生受樂，捨一



得萬報。是故地藏，布施因緣，其事如是。地神護法品第十一爾時堅牢地神白佛言：世尊，我從昔來瞻視頂禮無量菩薩摩訶薩，皆




是大不可思議神通智慧，廣度眾生。是地藏菩薩摩訶薩，于諸菩薩誓願深重，世尊，是地藏菩薩于閻浮提有大因緣。如文殊、普賢、



觀音、彌勒，亦化身百千身形，度于六道，其願尚有畢竟。是地藏菩薩教化六道一切眾生，所發誓願劫數，如千百億恆河沙。世尊，我



觀未來及現在眾生，于所住處，于南方清潔之地，以土石竹木作其龕室，是中能塑畫，乃至金銀銅鐵，作地藏形像，燒香供養，瞻禮



讚歎。是人居處，即得十種利益。何等為十：一者、土地豐壤；二者、家宅永安；三者、先亡生天；四者、現存益壽；五者、所求遂意；六者、無水



火災；七者、虛耗辟除；八者、杜絕惡夢；九者、出入神護；十者、多遇聖因。


世尊，未來世中，及現在眾生，若能于所住方面，作如是供養，得。




如是利益。  
 復白佛言：世尊，未來世中，若有善男子善女人，于所住處，有此經典及菩薩像，是人更能轉讀經典，供養菩薩。我常日夜



以本神力，衛護是人，乃至水火盜賊，大橫小橫，一切惡事，悉皆消滅。佛告堅牢地神：汝大神力，諸神少及。何以故？閻浮土地，悉蒙汝



護，乃至草木沙石，稻麻竹葦，穀米寶貝，從地而有，皆因汝力。又常稱揚地藏菩薩利益之事。汝之功德，及以神通，百千倍于常分地。




神。若未來世中，  
 有善男子善女人，  
 供養菩薩，及轉讀  
 是經，但依地藏本  
 願經一事修行者。  
 汝以本神力而擁護  
 之，勿令一切災害  
 及



不如意事，輒聞  
 于耳，何況令  
 受。非但汝獨  
 護是人故，亦  
 有釋梵眷屬，  
 諸天眷屬，擁  
 護是人。何故  
 得如是聖賢擁  
 護，皆由瞻禮  
 地藏形



像，及轉讀是本願經故，自然畢竟出離苦海，證涅槃樂。以是之故，得大擁護。見聞利益品第十二爾時世尊，從頂門上，放百千萬億



大毫相光，所謂：白毫相光、大白毫相光、瑞毫相光、大瑞毫相光、玉毫相光、大玉毫相光、紫毫相光、大紫毫相光、青毫相光、大青毫相



光、碧毫相光、大  
 碧毫相光、紅毫相  
 光、大紅毫相光、  
 綠毫相光、大綠毫  
 相光、金毫相光、  
 大金毫相光、慶雲  
 毫相光、大慶雲毫  
 相光、千輪




毫光、大千輪毫光、寶輪毫光、大寶輪毫光、日輪毫光、大日輪毫光、月輪毫光、大月輪毫光、宮殿毫光、大宮殿毫光、海雲毫光、大海雲



毫光。于頂門上放如是等毫相光已，出微妙音，告諸大眾，天龍八部、人非人等：聽吾今日于忉利天宮，稱揚讚歎地藏菩薩于人天






中，利益等事、不思議事、超聖因事、證十地事、畢竟不退阿耨多羅三藐三菩提事。說是語時，會中有一菩薩摩訶薩，名觀世音，從座



而起，胡跪合掌  
白佛言：世尊，  
是地藏菩薩摩訶  
薩具大慈悲，憐  
愍愍罪苦眾生，于  
千萬億世界，  
化千萬億身。  
所有功德及不  
思議威神



之力。我聞世尊，與十方無量諸佛，異口同音，讚歎地藏菩薩云：正使過去現在未來諸佛，說其功德，猶不能盡。向者，又蒙世尊，普告



大眾：欲稱揚地  
 藏利益等事。唯  
 願世尊，為現在  
 未來一切眾生，  
 稱揚地藏不思議  
 事，令天龍八部，  
 瞻禮獲福。佛告  
 觀世音菩薩：汝于




娑婆世界有大因緣。若天若龍、若男若女、若神若鬼、乃至六道罪苦眾生，聞汝名者、見汝形者、戀慕汝者、讚歎汝者。是諸眾生，于無




上道，必不退轉。常生人天，具受妙樂。因果將熟，遇佛受記。汝今具大悲，憐愍眾生，及天龍八部，聽吾宣說地藏菩薩不思議利益




之事。汝當諦聽，吾今說之。觀世音言：唯然，世尊，願樂欲聞！佛告觀世音菩薩：未來現在諸世界中，有天人受天福盡，有五衰相現，或




有墮于惡道之  
 者。如是天人，  
 若男若女，當  
 現相時，或見地  
 藏菩薩形相、或  
 聞地藏菩薩  
 名，一瞻一  
 禮。是諸天  
 人，轉增天  
 福，受大快樂，



永不墮三惡道  
 報。何況見聞菩  
 薩，以諸香華、  
 衣服、飲食、寶  
 貝、瓔珞，布施  
 供養，所獲功德  
 福利，無量無  
 邊。復次觀世  
 音：若未來現在  
 諸世




界中，六道眾生  
 臨命終時，得聞  
 地藏菩薩名，一  
 聲歷耳根者。是  
 諸眾生，永不歷  
 三惡道苦。何況  
 臨命終時，父母  
 眷屬，將是命終  
 人舍



宅、財物、寶  
 貝、衣服，塑畫  
 地藏形像。或使  
 病人未終之時，  
 眼耳見聞，知道  
 眷屬將舍宅、寶  
 貝等為其自身塑  
 畫地藏菩薩形  
 像。是人若




是業報合受重病者，承斯功德，尋即除愈，壽命增益。是人若是業報命盡，應有一切罪障業障，合墮惡趣者。承斯功德，命終之後，即



生人天，受勝妙  
 樂，一切罪障，  
 皆悉消滅。復次  
 觀世音菩薩：若  
 未來世，有男子  
 女人，或乳哺  
 時、或三歲、五  
 歲、十歲以下，  
 亡失父母，乃及




亡失兄弟姐妹，  
 是人年既長大，  
 思憶父母及諸眷  
 屬，不知落在何  
 趣、生何世界、  
 生何天中？是人  
 若能塑畫地藏菩  
 薩形像，乃至聞  
 名，



一瞻一禮，一日至七日，莫退初心，聞名見形，瞻禮供養。是人眷屬，假因業故，墮惡趣者，計當劫數，承斯男女，兄弟姊妹，塑畫地藏形



像，瞻禮功德，尋即解脫，生人天中，受勝妙樂。是人眷屬，如有福力，已生人天，受勝妙樂者，即承斯功德，轉增聖因，受無量樂。是人更能



三七日中，一心  
 瞻禮地藏形像，  
 念其名字，滿于  
 萬遍。當得菩  
 薩現無邊身，  
 具告是人，眷屬  
 生界。或于夢  
 中，菩薩現大  
 神力，親領是  
 人，



于諸世界，見諸眷屬。更能每日念菩薩名千遍，至于千日。是人當得菩薩遣所在土地鬼神，終身衛護，現世衣食豐溢，無諸疾苦。乃



至橫事不入其門，何況及身。是人畢竟得菩薩摩頂授記。復次觀世音菩薩：若未來世有善男子善女人，欲發廣大慈心，救度一切



眾生者，欲修無上  
 菩提者，欲出離三  
 界者。是諸人等，  
 見地藏形像，及聞  
 名者，至心歸依，  
 或以香華、衣服、  
 寶貝、飲食，供養  
 瞻禮。是善男







女等，所願速成，永無障礙。復次觀世音：若未來世，有善男子善女人，欲求現在未來百千萬億等願，百千萬億等事。但當歸依瞻禮、




供養讚歎，地藏形像。如是所願所求，悉皆成就。復願地藏菩薩具大慈悲，永擁護我。是人于睡夢中，即得菩薩摩頂授記。復次觀世



音菩薩：若未來世，善男子善女人，于大乘經典，深生珍重，發不思議心，欲讀欲誦。縱遇明師教視令熟，旋得旋忘，動經年月，不能讀




誦。是善男子等，有宿業障，未得消除，故于大乘經典，無讀誦性。如是之人，聞地藏菩薩名、見地藏菩薩像，具以本心恭敬陳白，更以




香華、衣服、飲食、一切玩具，供養菩薩。以淨水一盞，經一日一夜安菩薩前，然後合掌請服，回首向南。臨入口時，至心鄭重，服水既畢，




慎五辛酒肉，邪淫妄語，及諸殺害，一七日或三七日。是善男子善女人，于睡夢中，具見地藏菩薩現無邊身，于是人處，授灌頂水。其



人夢覺，即獲聰明，應是經典，一歷耳根，即當永記，更不忘失一句一偈。復次觀世音菩薩：若未來世，有諸人等，衣食不足，求者乖願、



或多病疾、或多  
 凶衰、家宅不  
 安、眷屬分散、  
 或諸橫事，多來  
 忤身，睡夢之  
 間，多有驚怖。  
 如是人等，聞地  
 藏名、見地藏  
 形，至心恭敬，  
 念滿




萬遍。是諸不如意漸漸消滅，即得安樂、衣食豐益，乃至于睡夢中，悉皆安樂。復次觀世音菩薩：若未來世，有善男子善女人，或因治






生、或因公私、或因生死、或因急事，入山林中、過渡河海、乃及大水、或經險道。是人先當念地藏菩薩名萬遍，所過土地，鬼神衛護，行




住坐臥，永保安樂。乃至逢于虎狼師子，一切毒害，不能損之。佛告觀世音菩薩：是地藏菩薩，于閻浮提有大因緣，若說于諸眾生見。




聞利益等事，百千劫中，說不能盡。是故觀世音，汝以神力流布是經，令娑婆世界眾生，百千萬劫永受安樂。


爾時世尊，而說偈言：吾



觀地藏威神力，恆河沙劫說難盡，見聞瞻禮一念間，利益天人無量事。若男若女若龍神，報盡應當墮惡道，至心歸依大士身，壽命。



轉增除罪障。  
 少失父母恩愛者，未知魂神在何趣，兄弟姊妹及諸親，生長以來皆不識。或塑或畫大士身，悲戀瞻禮不暫捨，三七日




中念其名，菩薩當現無邊體，示其眷屬所生界，縱墮惡趣尋出離。若能不退是初心，即獲摩頂受聖記。欲修無上菩提者，乃至出離



界苦。是人既發大悲心，先當瞻禮大士像，一切諸願速成就，永無業障能遮止。有人發心念經典，欲度羣迷超彼岸，雖立是願不思




議，旋讀旋忘多廢失，斯人有業障惑故，于大乘經不能記。供養地藏以香華，衣服飲食諸玩具，以淨水安大士前，一日一夜求服之，




發殷重心慎五  
辛，酒肉邪婬及  
妄語，三七日內  
勿殺害，至心思  
念大士名，即于  
夢中見無邊，  
覺來便得利耳  
根，應是經教  
歷耳聞，千




萬生中永不忘。以是大士不思議，能使斯人獲此慧。貧窮眾生及疾病，家宅凶衰眷屬離。睡夢之中悉不安，求者乖違無稱遂。至心



瞻禮地藏像，一切惡事皆消滅。至于夢中盡得安，衣食豐饒神鬼護。欲入山林及渡海，毒惡禽獸及惡人，惡神惡鬼，劫諸風，一。



難諸苦惱。但當瞻禮及供養，地藏菩薩大士像，如是山林大海中，應是諸惡皆消滅。觀音至心聽吾說，地藏無盡不思議，百千萬劫




說不周，廣宣大士如是力。地藏名字若人聞，乃至見像瞻禮者，香華衣服飲食奉，供養百千受妙樂。若能以此迴法界，畢竟成佛超



生死。是故觀音汝當知，普告恆沙諸國土。

囑累人天品第十三

爾時世尊舉金色臂，又摩地藏菩薩摩訶薩頂，而作是言：地藏地藏，




汝之神力不可思議、汝之慈悲不可思議、汝之智慧不可思議、汝之辯才不可思議，正使十方諸佛，讚歎宣說汝之不思議事，千萬



劫中，不能得盡。地藏地藏，記吾今日在忉利天中，于百千萬億不可說，不可說，一切諸佛菩薩，天龍八部，大會之中，再以人天諸眾




生等，未出三  
 界，在火宅中  
 者，付囑于汝。  
 無令是諸眾  
 生，墮惡趣  
 中，一日一  
 夜，何況更落  
 五無間，及阿  
 億地獄無勤經  
 千萬




期。地藏，是南閻浮提眾生，志性無定，習惡者多。縱發善心，須臾即退。若遇惡緣，念念增長。以是之故，吾分是形，百千萬億化度，隨其




根性而度脫之。  
 地藏，吾今殷勤，  
 以天人眾，付囑于  
 汝。未來之世，若  
 有天人，及善男子  
 善女人，于佛法  
 中，種少善根，一  
 毛一塵，一沙，汝




以道力，擁護是人，漸修無上，勿令退失。復次地藏，未來世中，若天若人，隨業報應，落在惡趣。臨墮趣中，或至門首，是諸眾生，若能念



得一佛名，一菩薩名，一句一偈大乘經典。是諸眾生，汝以神力，方便救拔，于是人所，現無邊身，為碎地獄，遣令生天，受勝妙樂。爾時




世尊，而說偈  
 言：現在未來天  
 人眾，吾今慇懃  
 付囑汝，以大神  
 通方便度，勿令  
 墮在諸惡趣。爾  
 時地藏菩薩摩訶  
 薩，胡跪合掌白  
 佛言：




世尊，唯願世尊不以爲慮。未來世中，若有善男子善女人，于佛法中，一念恭敬，我亦百千萬遍，度脫是人，于生死中速得解脫。何況



聞諸善事，念念修行，自然于無上道永不退轉。說是語時，會中有一菩薩，名虛空藏，白佛言：世尊，我自至切利，聞于如來讚歎地藏。



菩薩，威神勢力，不可思議。未來世中，若有善男子善女人，乃及一切天龍，聞此經典及地藏菩薩名字，或瞻禮形像，得幾種福利？唯



願世尊，為未來現在一切眾等，略而說之。


佛告虛空藏菩薩：諦聽諦聽！吾當為汝分別說之。若未來世，有善男子善女人，見地藏形



像，及聞此經，乃至讀誦，香華飲食，衣服珍寶，布施供養，讚歎瞻禮，得二十八種利益：一者、天龍護念，二者、善果日增，三者、集聖上因，



四者、菩提不退，  
 五者、衣食豐足，  
 六者、疾疫不臨，  
 七者、離水火災，  
 八者、無盜賊惡，  
 九者、人見欽敬，  
 十者、神鬼助持，  
 十一者、女轉男身，十




二者、為王臣女，十三者、端正相好，十四者、多生天上。十五者、或為帝王，十六者、宿智命通，十七者、有求皆從，十八者、眷屬歡樂，十九



者、諸橫消滅，二十者、業道永除，二十一者、去處盡通，二十二者、夜夢安樂，二十三先亡離苦，二十四者、宿福受生，二十五者、諸聖



讚歎，二十六者、聰明利根，二十七者、饒慈愍心，二十八者、畢竟成佛。復次虛空藏菩薩：若現在未來，天龍鬼神，聞地藏名，禮地藏形，



或聞地藏本願事  
 行，讚歎瞻禮，  
 得七種利益：  
 一者、速超聖  
 地，二者、惡業  
 消滅，三者、諸  
 佛臨護，四者、  
 菩提不退，五  
 者、增長本力，  
 六者、宿




命皆通，七者、  
畢竟成佛。爾  
時，十方三世一  
切諸來，不可說  
不可說諸佛如  
來，及大菩薩天  
龍八部，聞釋迦  
牟尼佛，稱揚讚  
歎地藏菩



薩，大威神力，不可思議，歎未曾有。是時，忉利天，雨無量香華，天衣珠瓔，供養釋迦牟尼佛，及地藏菩薩已，一切眾會，俱復瞻禮，合掌



而退。  
 離婆離婆帝。求  
 訶求訶帝。陀羅  
 尼帝。尼訶囉  
 帝。毗黎你帝。  
 摩訶伽帝。真陵  
 乾帝。莎婆訶。  
 鉢囉末鄰陀寧，  
 莎婆訶。南謨喝  
 囉怛



那，哆囉夜耶。  
 佉囉佉囉。俱住  
 俱住。摩囉摩  
 囉。虎囉，賀  
 賀，蘇怛拏，娑  
 婆訶。地藏菩薩  
 妙難倫，化現金  
 容處處分。三途  
 六道聞妙法，四  
 生




十類蒙慈恩。明珠照徹天堂路，  
 金錫震開地獄門。累劫親姻蒙  
 接引，九蓮台畔禮慈尊。南無九  
 華山幽冥世界大慈大悲地藏王菩  
 薩



南無地藏王菩薩x7







眾生，深入經藏，智慧如海。自皈依僧，當願眾生，統理大眾，一切無礙。願生西方淨土中，九品蓮花為父母，花開見佛悟無




生，不退菩薩為  
 伴侶。願以此功  
 德。莊嚴佛淨  
 土。上報四重  
 恩。下濟三途  
 苦。若有見聞  
 者。悉發菩提  
 心。盡此一報  
 身。同生極樂  
 國。呼呼



社曳穆契娑訶  
佛子所造諸惡  
業皆由無始貪  
瞋痴從身語意  
之所生一切佛  
子皆懺悔有  
情所造諸惡  
業皆由無始貪  
瞋痴從身



語意之所生一切有情皆懺悔，  
 孤魂所造諸惡業皆由無始貪  
 瞋痴從身語意之所生一切孤  
 魂皆懺悔，眾生無邊誓願度，  
 煩惱無



盡誓願斷，法門無量誓願學，佛道無上誓願成。自性眾生誓願度，自性煩惱誓願斷，自性法門誓願學，自性佛道誓願成。





御勅佛說地藏菩薩本願經